

საქართველოს ურბანული რეკონსტრუქციის და განვითარების პროექტი
(GURAD)

ტენდერი დასახელება:

ოზურგეთის მუნიციპალიტეტის დაბა ლაითურის წყალსადენი რეაბილიტაცია

ტენდერის #: EIB/MIMP/W/NCB/35-2017

წინასატენდერო შეხვედრის ოქმი

თარიღი: 4 მაისი, 2017 წელი

სატენდერო დოკუმენტაციის „ინსტრუქციები ტენდერში მონაწილეთათვის“ 7.4 პარაგრაფის შესაბამისად **2017 წლის 4 მაისს, 15:00 საათზე** გაიმართა წინასატენდერო შეხვედრა საქართველოს მუნიციპალური განვითარების ფონდში, დავით აღმაშენებლის გამზირი #150, სართული 3, ოთახი #316, თბილისი 0112, საქართველო.

დამკვეთის მხრიდან შეხვედრას ესწრებოდნენ შესყიდვების სპეციალისტები და პროექტების შეფასების სამსახურის სპეციალისტი.

შეხვედრას ესწრებოდა ერთი დაინტერესებული კომპანიის წარმომადგენლები.

შეხვედრა გახსნა შესყიდვების სპეციალისტმა, რომელმაც ზოგადად განმარტა წინასატენდერო შეხვედრის მიზანი.

დაინტერესებული კომპანიის მხრიდან დაისვა შემდეგი შეკითხვები:

1. კითხვა: შესაძლებელია თუ არა სატენდერო დოკუმენტაციის 2.4.2 (ა) ქვე-ფაქტორის (კონკრეტულ სამშენებლო გამოცდილება) დაკმაყოფილება რამდენიმე კონტრაქტის წარმოდგენით? ეხება თუ არა მოცემულ ქვე-ფაქტორიში მითითებული 4,500,000 ლარის მოთხოვნა 2.4.2 (ბ) მოთხოვნილ კონკრეტულ გამოცდილებას, მაგ: წყალმომარაგების ჭაბურღილის მოწყობა და/ან რეაბილიტაციის კონტრაქტი, რომლითაც დაკმაყოფილებდა 2.4.2 (ბ) ქვეფაქტორით მოთხოვნილი მინიმალური მოთხოვნა, უნდა იყოს თუ არა კონტრაქტი - ღირებულებით სულ მცირე - 4,500,000 ლარი?

პასუხი: სატენდერო დოკუმენტაციის 2.4.2 (ა) ქვე-ფაქტორის (კონკრეტულ სამშენებლო გამოცდილება) დაკმაყოფილება შესაძლებელია, როგორც ერთი კონტრაქტით, რომლის ღირებულება უნდა იყოს 4,500,000.00 ლარის ექვივალენტი, ასევე ორ კონტრაქტით, რომელთაგან თითოეულის ღირებულება უნდა იყოს სულ მცირე 2,250,000.00 ლარის ექვივალენტი. სატენდერო დოკუმენტაციის 2.4.2 (ბ) ქვე-ფაქტორის (კონკრეტული გამოცდილება) მოთხოვნები არ ეხება 2.4.2 (ა) ქვე-ფაქტორის (კონკრეტულ სამშენებლო გამოცდილება) მოთხოვნებს, შესაბამისად ტენდერის მონაწილეს უფლება აქვს წარმოადგინოს წყალმომარაგების ჭაბურღილის მოწყობა და/ან რეაბილიტაციის კონტრაქტი, რომლის ღირებულებაც ნაკლებია 4,500,000 ლარზე.

2. კითხვა: თუ კომპანიას განზრახული აქვს შემოვიდეს ტენდერში, როგორც ერთობლივი საწარმო, შეფასდება თუ არა ერთობლივი საწარმოს ყველა მონაწილე? უნდა მოხდეს თუ არა განზრახვათა შეთანხმების წარმოდგენა ტენდერის მიმდინარეობისას, თუ შემდგომ, კონტრაქტის გაფორმების დროს?

პასუხი: ტენდერში მონაწილე ერთობლივი საწარმოს ყველა წევრი ფასდება სატენდერო დოკუმენტაციის მოთხოვნების შესაბამისად. ერთობლივი საწარმოს მონაწილეებს უფლება აქვთ წარმოადგინონ ერთობლივი საწარმოს შექმნის შესახებ განზრახვა, ან შეთანხმება. აღნიშნული წერილი/შეთანხმება წარმოდგენილი უნდა იყოს სატენდერო წინადადებასთან ერთად.

3. კითხვა: ხელმისაწვდომია თუ არა ინგლისურენოვანი სატენდერო დოკუმენტაცია?

პასუხი: სატენდერო დოკუმენტები ხელმისაწვდომია მხოლოდ ქართულ ენაზე.

4. კითხვა: შესაძლებელია თუ არა, ტენდერში მონაწილეობა მიიღოს უცხოურმა კომპანიამ? ასევე, შესაძლებელია თუ არა, რომ ადგილობრივი კომპანია გაერთიანდეს უცხოურ კომპანიასთან და ტენდერში შემოვიდნენ, როგორც ერთობლივი საწარმო?

პასუხი: დიახ, უცხოურ კომპანიებს შეუძლიათ ტენდერში მონაწილეობის მიღება. ამასთანავე, შესაძლებელია ერთობლივი საწარმოს მონაწილეები იყვნენ, როგორც ადგილობრივი, ისე უცხოური კომპანიები.

5. კითხვა: შესაძლებელია თუ არა კომპანიამ წარმოადგინოს უცხოური ბანკის მიერ გაცემული გარანტია?

პასუხი: ტენდერში მონაწილეებმა უნდა წარმოადგინონ ბანკის მიერ გაცემული სატენდერო წინადადების საბანკო გარანტია, რომელიც შესაძლებელია გაცემული იყოს უფლებამოსილი ქვეყნის სანდო წყაროდან, თუ უპირობო საბანკო გარანტია გაცემულია ბანკის მიერ, რომელიც მდებარეობს დამკვეთის ქვეყნის გარეთ, მას უნდა ჰქონდეს საკორესპონდენტო საფინანსო ინსტიტუტი დამკვეთის ქვეყანაში, რათა შეძლოს მისი უზრუნველყოფა. შესრულებისა და ავანსის გარანტიები წარმოდგენილი უნდა იყოს მხოლოდ ადგილობრივი კომერციული ბანკების მიერ, რომლებიც ოპერირებენ საქართველოს ტერიტორიაზე.

6. კითხვა: შესაძლებელია თუ არა ობიექტის მონახულება და უზრუნველყოფს თუ არა ამას საქართველოს მუნიციპალური განვითარების ფონდი?

პასუხი: ტენდერის მონაწილეს უფლება აქვს მოინახულოს ობიექტი საკუთარი ხარჯითა და პასუხისმგებლობით. საქართველოს მუნიციპალური განვითარების ფონდი ობიექტის მონახულებას არ უზრუნველყოფს.

7. კითხვა: შესაძლებელია თუ არა, ერთობლივი საწარმოს შემთხვევაში, გარანტია გაიცეს მხოლოდ ერთი კომპანიის სახელზე?

პასუხი: ერთობლივი საწარმოს შემთხვევაში გარანტიები გაცემული უნდა იყოს ერთობლივი საწარმოს ყველა მონაწილე კომპანიის სახელზე.

8. კითხვა: გათვალისწინებულია თუ არა ავანსი და რამდენი პროცენტია? როგორ ხდება ავანსის დაქვითვა?

პასუხი: ავანსი შეადგენს კონტრაქტის მიღებული თანხის არაუმეტეს 20%-ს და კონტრაქტორისათვის გადახდილი იქნება 28 დღის განმავლობაში დამკვეთისათვის მისაღები, იგივე ოდენობის ბანკის მიერ გაცემული საავანსო გადახდის საბანკო გარანტიის წარმოდგენისა და ავანსის მოთხოვნის პროექტის მენეჯერის მხრიდან დადასტურების შემთხვევაში. კონტრაქტორისთვის გადასახდელი თანხებიდან ხდება ავანსის გამოქვითვა პროპორციულად.

9. კითხვა: ტენდერში უცხოური კომპანიის მონაწილეობის შემთხვევაში, რომელსაც საქართველოში დარეგისტრირებული აქვს წარმომადგენლობა, ვის სახელზე უნდა გაიცეს საბანკო გარანტია?

პასუხი: საბანკო გარანტია გაცემული უნდა იყოს ტენდერის მონაწილის სახელზე.